



Naunaipkutaq Titiraq

Havauhikhait Katimaviup Havaktiit

Katimaliraangamik Maligaliurvingmi, qaffiuyut havaktit ikayuqtiuvaktut Uqaqtimut, Maligaliuqtinut Titiraqtinullu.

Iqhukti

Taamna havaakhait Iqhuktip titiraqtauhimayuq talvani *Maligaliurvingmut Aulapkaiyinullu Katimayiit Maligainit*. Havaakhatqiktuq, kihimi ilitariyaublunilu havaakhaubluni, havaakhalluariaat taimaa munariblogu Katimaviat Maligaliuqtit munarinahuaqhugillu Maligaliuqtit katimatillugit Maligaliurvingmi.

Ubluq tamaat katimaliraangamik, taamna Iqhukti tigumiaqpaktuq Iqhugarmik talvunga Katimavianut katimaliqtinngit, hivuani Uqaqtip Titiraqtillu. Taamna Iqhukti munaqhiyuktuq Iqhuutip qanuringanianik ikpataanit Katimatillugit Maligaliurvingmi Katimayiralaat kihimi katimagaangamik anititauyuittuq. Taamna Iqhukti ikkuaqtuivaktuq naalaktukhanik ikhivavikhainut naalaktitauyut ikpataanit.

Ihuinaaqtuqarumi pulaaqtimit katimatillugit Itiqtarvianit, taamna Iqhuktip anipkaqtakhaa. Taamna Uqaqti attiqtuiniarumi Maligaliuqtimik taimaaqtittikaffuktillugu katimatillugit ubluani talvani, taamna Iqhukti pihuqatigiyakhaat Maligaliuqtit Katimavianit.

Havaakhait Iqhuktip havaariyauvaktuq Katimaliraangamik kaipiktaqhutik. Maligaliuqtit tikkuqaqtittiyauliqpaktut inungnik inugittiaqtunik nunallaamingnit havaakhamut. Kihimi, havaariyauvaktuq Qiniqhiayiugaluamit Kanatami, arligiyauyuniglu Iniqnirinik. Tamangnik angutit arnaillu havaarihimayaat hamani Nunavunmi.

Kivgaqtit

Kivgaqtit ikayuqtiuvaktut tigumiaqtiublutik Maligaliurviup titirautainit imikhainiklu Uqaqtip, Maligaliuqtit Titiraqtillo. Kivgaqtit tigumiaqtiuvaktuttauq titiqqanik akunnganit Maligaliuqtit titiqqaniklu qaittivaktut havaktinut Katimaviup ahianit. Ikayuqtiuvakhutiklu Iqhuktimut aulattiaqninganut Katimaviat.

Kivgaqtit angayukhiuvaktut ilihaqtut nutaqqat. Taamna Maligaliurviup Kivgaqtiit ihuaqtauvaktuq Maligaliuqtinut havaktittiniqmut inulramminik nunallaaminut aullaaqatigiblugu Iqalungnut havagiaqhutik Kivgaqtitut katimatillugit Maligaliurvingmi.